

Idea membuahkan tindakan: Felo Teach For Malaysia mencipta inisiatif kreatif untuk memperkasakan murid-murid dan merapatkan jurang ketidaksamaan pendidikan

KUALA LUMPUR - Felo dan Alumni Teach For Malaysia telah mengambil bahagian dalam Acara Dragons' Den dan membentangkan projek inovasi sosial mereka di hadapan panel juri terhormat. Projek-projek ini bertujuan untuk merapatkan jurang ketidaksamaan pendidikan untuk murid-murid dan masyarakat Orang Asli di Perak.

Dragons' Den yang dianjurkan oleh Teach For Malaysia merupakan sebuah platform bagi Felo dan Alumni TFM mempamerkan inovatif sosial mereka kepada para juri, yang digelar sebagai Dragons. Barisan Dragons yang hadir untuk Dragons' Den tahun ini ialah Marques Menon (Pengarah Program EmPOWER, Universiti Heriot-Watt Malaysia), Ir. Ong Tien Soon (Pengurus Sumber Strategik Kanan, Baker Hughes), Dr. Tooba Modassir (Ketua Pegawai Sumber Manusia, CITI Malaysia), Sara Yasmine Mohamed (Ketua Hal Ehwal Korporat, CITI Malaysia), Shawn Khong (Ketua Bank Komersial, CITI Malaysia), Sheba Gumis (Rakan Kongsi, Skrine), Anaïs Deschamps (Ketua Jabatan Pendidikan, Kedutaan Perancis), Eliana Tanbenghui (Penyelaras Program, Apa Kata Wanita Orang Asli) dan Dr Ho Sook Wah (Ketua Unit Pendidikan Orang Asli, Yayasan Gamuda).

Acara ini diinspirasi daripada rancangan realiti dengan nama yang sama di United Kingdom. Dengan konsep yang sama, Dragons yang hadir akan memberikan maklum balas, pembiayaan dana atau sokongan dalam apa-apa bentuk untuk menyumbang kepada inisiatif Felo TFM yang mereka percaya berpotensi untuk mencipta impak yang besar dan selari dengan visi dan kepentingan sosial mereka.

Felo TFM telah bekerja di majoriti sekolah Orang Asli yang berkeperluan tinggi sejak Jun 2022. Menurut Kementerian Pendidikan Malaysia, tiada kes berhenti sekolah dalam kalangan murid Orang Asli pada peringkat sekolah rendah pada tahun 2022. Walau bagaimanapun, kadar keciciran dalam kalangan murid Orang Asli pada peringkat sekolah menengah adalah hampir 5%, jauh lebih tinggi daripada purata kebangsaan iaitu kurang 1%.

Ketua Pegawai Eksekutif TFM Chan Soon Seng berkongsi, "Felo TFM telah bekerja di samping masyarakat Orang Asli di Perak selama melebihi setahun. Sepanjang tempoh ini, mereka mendalami pelbagai isu yang menyumbang kepada ketidaksamaan pendidikan yang dialami oleh masyarakat Orang Asli seperti kadar literasi dan numerasi yang rendah, kekurangan fasiliti yang mencukupi dan kekurangan kesedaran tentang kebudayaan mereka di dunia luar. Dengan mempunyai pemahaman inilah Felo TFM mencipta dan memimpin projek inovasi sosial yang akan memberi manfaat kepada murid-murid dan masyarakat setempat dalam tahun kedua Program TFM dan masa akan datang."

Setelah mendengar inisiatif-inisiatif yang bertujuan untuk mengatasi isu-isu tersebut dan lebih lagi, Dr Tooba Modassir, Ketua Pegawai Sumber Manusia, Citi Foundation meluahkan rasa kagumnya terhadap Felo TFM. "Saya rasa rendah hati apabila melihat usaha yang diberikan, perjuangan kamu semua demi murid-murid kamu. Banyak tenaga dan masa yang dihabiskan atas dasar perjuangan yang hebat. Apapun yang terjadi, jangan putus asa dan tetap berbangga kerana kamu sedang membentuk masa depan."

Dragons telah memberi maklum balas yang tidak ternilai kepada Felo TFM untuk memperhebat kemahiran pembentangan proposal mereka dan juga inovasi sosial supaya impak yang diharapkan menjadi realiti. Tambahan pula, ada antara Dragons yang tertarik untuk berkolaborasi dengan Felo TFM dengan menyumbang tenaga kerja, masa, sumber atau rangkaian untuk memperkasakan Felo TFM demi memperkasakan murid-murid.

'Izzati dan Aqilah yang mencipta inisiatif SOA-RA untuk meningkatkan kemahiran Bahasa Melayu murid-murid mereka berkongsi refleksi dan harapan mereka. 'Izzati berkata, "Dragons' Den adalah platform yang bagus untuk Felo TFM berkongsi dengan pihak berkepentingan tentang sekolah, komuniti, murid-murid kami dan juga masalah yang dihadapi serta penyelesaian yang kami boleh lakukan." Adilah turut berkongsi, "Kami harap inisiatif ini dalam memupuk keyakinan diri dalam murid Temiar kami untuk berkomunikasi dengan orang lain, termasuklah orang asing, dalam Bahasa Melayu. Kami harap ini dapat memberikan kesan berpanjangan bukan sekadar kepada rakan sebaya mereka tetapi juga generasi yang akan datang."

Dalam tahun-tahun yang lepas, beberapa inisiatif oleh Felo TFM telah berkembang menjadi perusahaan sosial yang berjaya. Antaranya adalah ARUS Academy yang berfokuskan pendidikan STEM dan Maker Education, Closing the Gap dan Project ID yang berfokuskan kepimpinan murid, dan Edvolution Enterprise yang berfokuskan latihan guru, pengetua dan pegawai pendidikan daerah.

Appendix



Shawn Stanley, 2022 Felo TFM membentangkan inisiatifnya, Hab Pembelajaran Komuniti.



Amirul Shamin dan Tiara Jacqueline, Felo TFM 2022 membentangkan inisiatif mereka, Corak-Corak Alam.

Nota buat penyunting

Teach For Malaysia (TFM) merupakan sebuah organisasi bebas yang bukan berasaskan keuntungan. TFM mempunyai misi agar setiap anak Malaysia akan berpeluang mencapai potensi diri melalui pendidikan berkualiti. TFM bekerjasama dengan Kementerian Pendidikan Malaysia untuk mencapai sekolah-sekolah awam berkeperluan tinggi. TFM merupakan sebahagian daripada 60 rakan rangkaian pendidikan global berprestij, Teach For All.

Sejak 2012, Teach For Malaysia telah membina sebuah gerakan transformasi dalam sistem pendidikan dengan menempatkan graduan dan belia professional yang berpotensi tinggi sebagai guru sepenuh masa di sekolah-sekolah berkeperluan tinggi di Malaysia untuk membanteras ketidaksamaan pendidikan melalui program andalan kami, Felo TFM. Pada tahun 2020, TFM telah meluaskan usaha kami untuk turut melatih dan membimbing guru-guru STEM yang sedang berkhidmat di sekolah melalui Program Duta Guru (PDG) yang berjalan selama dua tahun.

Teach For Malaysia adalah penerima Anugerah Merdeka (Merdeka Awards) 2022 dalam kategori Pendidikan dan Komuniti. Anugerah Merdeka merupakan sebuah anugerah prestasi ulung Malaysia yang diasaskan oleh PETRONAS, ExxonMobil, dan Shell pada tahun 2007.

Sejak pelancaran kami pada tahun 2012, gerakan kami kini terdiri daripada 1481 orang Felo, peserta PDG dan Alumni dan telah membawa impak kepada seramai 332,337 orang murid di 946 buah sekolah di seluruh Malaysia.

Untuk maklumat lanjut, sila hubungi:

Felicia Tan

Pengurus Pemasaran



Teach For Malaysia

Tel: +6017 3711 571

Emel: felicia.tan@teachformalaysia.org

Laman web: www.teachformalaysia.org

Twitter: <https://twitter.com/teachformsia>

Facebook: <https://www.facebook.com/teachformalaysia>

Instagram: <https://www.instagram.com/teachformsia/>

- Dokumen tamat -